



歴史徴


三十一



リ伊5  
2469  
15










特  
5  
2469  
15

歷史徵卷之三十一



起丁未後深州院寶治元年  
凡二十八年

未後深草院寶治元年  
○春正月伊豆

國地移

百練抄曰此間風聞云伊豆國長十二町弘八町自十  
餘町行去其跡如湖水

以前開白藤兼經為攝政

百練抄曰前開白蒙攝政詔即被仰氏長者并兵仗事等  
開東計申之



二月改元 練百 ○三月流星見

百練抄曰十二日戌刻計有光物其體如大流星亂飛之耀不異燃火自東入西之後鳴動萬人驚耳目古今無斯類

夏五月鎌倉夫人平氏薨

百練抄曰十二日關東將軍左少將賴嗣朝臣室家他界 十九日依關東將軍室家他界事天下觸穢可至來月十三日之由被仰下關東觸穢六波羅混合哉否前相國被尋氏家之虜將軍御前并時賴母子同宿也彼使自其所上洛混合之條即勿論也六波羅乙穢也

件使參所所觸穢可為此箇日欵之由前相國被申此六日關東穢事時賴不混合之由泰村令申也令為其儀者不可及京中穢欵此七日穢中事猶不定但於御靈會 祇園 者寬治六年雖穢中猶被行之由外記雖申之件度月次神今食延引了今度於御靈會者可穢限已後於御輿迎者雖穢中可准寬治例欵猶可為式日之由被仰下此九日洛中穢中猶未定也任正治例被行軒廊御卜云云關東穢可及洛中哉否令卜之官寮不可為穢之令申之間其被仰下之六月一日可為穢之由猶依定仰月次神今食可延引之由云云七日祇園御



輿迎也雖為穢中依有先例也

### 三浦泰村謀反

東鑑曰若狹前司泰村獨步之餘依背嚴命近日可被加誅罰之由有其沙汰能能有謹慎之旨注簡面立置鶴岡鳥居前諸人見之○又曰北七日左親衛御輕服之間日未令寄宿若狹前司泰村亭給而今日彼一族雖有群集之形勢更無祇候于御前之事只在閑所皆不能取髻直衣裝是外則為獻盃酒等雖似專經營內有他用意之條揭焉其上入夜鎧服卷之糶有響于御耳此程自方方告申之趣強無御信用之處忽符合

之間思食合俄退彼館令還本所給主達一人辨五郎四郎

僅持御太刀御供云云亭主聞此事仰天失度內內及

陳謝○北八日此程世上不靜是偏三浦之輩依有逆

心之聞人性皆怖怖畏之故也件氏族云官位云俸祿

於時雖不可成恨入道前大納言歸洛之事殆不叶彼

雅意等追日奉戀慕欽就中能登前司光村自幼少當

初奉服近每夜卧御前日闌退座右起居御戲論觸折

御興游每事未禁懷奮之上密密有承嚴約事云云凡

當于關東鬼門方角被建立五大明王院賞翫有驗知

法高僧及陰陽道之類又愛譜代勇士等給云云衆人



所察只濫世之基也果而光村等存案之旨已可謂發  
覺就之左親衛入夜迴御使於若狹并親類郎從等邊  
令窺其形勢給之屬面面整置兵具於家內剩自安房  
上總以下領所以船運取如甲冑繹更非隱密之企欵  
之由申之按系泰村三浦義明曾孫義村子光村泰村弟其妹時氏母經時時賴祖母

六月時賴遣使議和于泰村

東鑑曰一日左親衛以近江四郎左衛門尉氏信為御  
使有被仰遣于若狹前司泰村之事人不知其旨趣氏  
信向彼家案內事之由亭主相逢之程見傍弓數十張  
征矢并鎧唐櫃棹數十本置之氏信就恠思之令郎從

友野太郎窺館內之處所積置了既侍之鎧唐櫃假令  
百二三十合欵之由達于氏信頃之泰村請入氏信於  
出居承仰事後互及雜談泰村此間世上物忿偏似一  
身之愁其故者兄弟共超他門宿老已為正五位下也  
其外一族多帶官位剩守護職數箇國在園數萬町吾  
衆之所掌也榮運窮託於今者上天加護頗難測之間  
非無謔訴之慎氏信歸參申御返事又彼用意次第內  
內相語奮勞人人仍殿中御用心弥及嚴密御沙汰○  
三日泰村南庭有落書其詞云此程世間のさそく可何  
少へと。あつては多うに化かへさ事なり思ひまゝて



伊公得のきりしり以て之 畧 若州申入左親衛御方云就  
閣卷謳歌察人之内議身上事非無其怖於泰村者更  
雖不存野心被催總物念國國郎從等有來集事定為  
謗訴之基欵依之可有御不審者早可令追下若又有可  
被誠他上事無衆力者不可支御大事進退宜隨貴命  
云云敢不及冰疑之旨有御返事云云九玄月夜中俄  
出彼館令還本所給以未泰村甚歎息朝暮費心府已  
忘寢食○四日子刻毛利入道西阿妻著白小袖褐唯  
具從女一人忽然到兄泰村宿所云此程騷動事無何  
不思入之處可被伐貴殿之由楚聞其告此上相攝可

被求乘勝者毛利入道定勵與之志欵縱雖有二心吾  
身加諷諫可令為一同之由○五日鎌倉中物念左親  
衛先遣萬年馬入道於泰村許被仰可相鎮郎從等騷  
動之由次付平左衛門入道盛阿被遣御書於同人是  
則世上物念若天魔之入人性欵於上計者非可被誅  
伐貴殿之攝欵此上如日未不可有異心之趣也刺被  
載加御誓言泰村殊喜悅亦具所申御返事也泰村猶  
在出居妻室自持未湯漬於其前勸之賀安堵之仰泰  
村一口用之即反吐之

三浦黨搆兵襲時賴不克泰村等皆死



東鑑曰高野入道覺地按東鑑高野入道名景盛藤氏法名覺地號大蓮房在高野  
 藤九郎盛長男寶傳聞被遣御使之旨招子息秋田城  
 治二年五月卒  
 介義景孫子九郎泰盛盡諷詞云被遣和平御書於若  
 州之上者向後彼氏族獨窮驕益蔑如當家之時愁頭  
 對揚所存者還可逢殃之條置而無疑只任運於天今  
 朝須決雌雄曾莫期後日依之城九郎泰盛以下一味  
 之族引率軍士盛阿歸參以前於神護寺門外作時聲  
 泰村乍仰天令家子郎從等防戰之先是盛阿馳駕令  
 歸參雖申事次第三浦一類有用意事之條者雖勿論  
 旁依有御沙汰被廻和平議之處泰村既及攻戰之上

無所于被宥仰先以陸奧掃部貽實時令警衛幕府次  
 差北條六郎時定為大手大將軍揚旗泰村儲所所過  
 衢發矢石毛利藏人大夫入道西阿著甲冑率從軍為  
 參御所打出之虜彼妻泰村妹取西阿鎧袖曰捐若州參  
 左親衛御方之事者武士所致欵甚遠年未一諾畢盡  
 耻後聞哉西阿聞此詞加泰村陣萬年馬入道馳參左  
 親衛南庭乍令騎馬申云毛利入道殿被加敵軍訖於  
 今者世大事必然欵左親衛聞此事午刻參御所被申  
 將軍御前重被廻奇謀折節北風變南之間放火於泰  
 村南隣人屋風頻扇烟覆彼館泰村并伴黨咽烟遁出



館參薨于故右大將軍法花堂舍弟能登守光村在永福寺搃門內從兵八十餘騎張陣遣使者於兄泰村許云當寺<sup>為</sup>殊勝城郭於此一所相共可被待討手云云泰村答云縱雖有鐵壁城郭定令不得遁欲同者於故將軍御影御前欲取終早可未會此處專使互雖為一兩度緝火急之間光村出寺門向法花堂於其途中一時合戰終參件堂<sup>畧</sup>左親衛軍兵攻入寺門競登石橋西方挑戰殆經三刻敵陣箭盡力盡而泰村以下為宗之輩二百七十六人都合五百餘人自殺

時賴飛檄奏討泰村狀

東鑑曰寶檢死骸之後進飛脚於京都遣御消息二通於六波羅相州一通奏聞一通為令下知近國守護地頭等也又事書一紙同所被相副也其狀曰若狹前司泰村能登前司光村以下舍弟一家之輩今日己刻己射出箭之間及合戰終其身以下一家之輩及餘黨等被誅罰候畢以此趣可令申入冷泉太政大臣殿給六月五日左近將監相摸守殿追啟毛利入道西阿不慮令同心之間被誅罰畢若狹前司泰村能登前司光村并一家之輩餘黨等兼日令用心之由有其聞之間被用意候處今日五日己刻令射出箭之間及合戰其身



以下一家之輩餘黨等被誅罰畢各存此旨不可馳參且又可相觸近隣之田普可令下知西國地頭御家人給之狀依仰執達如件事書曰謀反革事為宗親類兄弟等者不及子細可被召取其外京都雜掌國國代官等事者雖不及御沙汰委尋明隨註申追可有御計者

時賴擊 秀胤平之

東鑑曰可討捕上總權介秀胤之旨被仰付大須賀左衛門尉胤氏東中務入道素還等秀胤者依為泰村妹賀也七日胤氏素還等襲秀胤上總國一宮大柳館時當國御家人如雲霞起成合力秀胤兼用意之間積置

炭薪等於館郭外四面皆悉放火其焰甚熾而非人馬可通路仍軍兵安轡於門外僅造時聲發箭受敵軍出逢馬場邊射答箭此間秀胤嫡男式部大輔時秀次男修理亮政秀三男左衛門尉泰秀四男六郎景秀心靜凝念佛讀經等之勤各自殺其後數十字舍屋同時放火胤氏以下郎從咽其熾勢還遁于數十町之外敢不能獲其首

秋七月相摸守平重持為鎌倉連署

東鑑

○八月諸寺火

集成曰清水坂六波羅密寺門并鎮守社建仁寺等燒

亡



冬十月禁糶米於異國

集成曰被宣下西國米穀渡唐停止事

十二月東一條院崩

百練抄

戊申二年

鎌倉將軍五年○執權平時賴連署平重時

春正月朔日食

東寺長者補任

太政大臣源朝臣通光薨

補任

○二月供糧鞍馬寺

百練抄曰鞍馬寺供糧燒失後勸進造立也

夏六月以中宮嬉子為大宮院

百練抄

○秋七月捕咒咀者

送六波羅

百練抄曰六月廿九日自南都奉咒咀上皇己下張本

入洛今月一日咒咀之張本被渡武士

以曦子內親王為皇后宮

百練抄曰立后節會以前齋宮曦子土御門院御女為

皇后宮

己酉 建長元年

鎌倉將軍六年 執權平時賴連署平重時

春二月開院火

百練抄曰開院內裏炎上拂地主上行幸大相國冷泉

富小路亭

三月改元

皇年代記曰依內裏火事天變也

京師火

百練抄曰廿三日午刻許炎上起姊小路室町于時風



吹散四方烟充滿九重三條以南八條以北西洞院以  
東京極以西五條以南及河原餘畿遥飛付蓮花王院御堂以  
下此日悉燒亡又大外記師兼文書令燒失了

夏四月朔日食

百練抄

○六月時賴為相摸守重時為陸奧

守

成集

○秋七月追謚佐渡院為順德院

百練抄

○八月以皇

子恒仁為親王

百練抄 ○皇年代記曰後嵯峨院第三子母大官院今

年四月降誕

冬十月定沽價法

百練抄曰於記祿所定沽價法事 ○明年六月大理召

商人等被下知沽價法

前內大臣藤原朝臣家嗣出家

百練抄曰文永八年七月薨年七十五

庚戌二年

鎌倉將軍七年執權平時賴連署平重時

春二月叙日吉神位

集成曰十一日上皇御幸日吉社一昨日奉增彼社御

位階依臨時御祈也

時賴勸將軍學文講武

東鑑曰將軍家可有文武御替古之由相州以消息狀  
令諫申之為和漢御學問則縫殿頭叁河前司為弓馬  
御練習亦秋田城介小山出羽守遠江次郎左衛門尉



武田五郎三浦介等常令祇候御所中各可随召又為和泉前司武藤左衛門尉奉行人々子息中撰試好文并器量之士可候同學趣内内被仰付之

時賴上負觀政要于將軍

東鑑曰相州令淨真書寫負觀政要一部今日被進將軍家水精軸羅表紙所納蔣繪管丸鶴小野澤次郎時仲為御使持參之和泉前司行方為申次

秋七月院課試

集成曰於院有職事并官課試事上皇御簾中撰政以下祇候自御所被出題

冬十月以藤道良為内大臣

元權大納言○補任

辛三年鎌倉將軍八年○執權

春正月式乾門院崩

百練抄曰年五十五

二月熊野本宮火

百練抄

○三月前内大臣源朝臣具實出家

家

百練抄曰法名法乘依所勞也

以皇后曦子内親王為仙華門院

百練抄

○夏六月遷幸閑院

院

百練抄曰閑院遷幸儀也

自關東造進了

記錄所始也考集成

曰天皇自前太政大臣富小路第遷幸新造閑院○皇



年代記曰遷幸右大臣兼平公閑院○東鑑去年三月  
記曰造閑院殿雜掌事為被進覽京都云本役人云始  
被付分今日悉被注續之深澤山城前司俊平中山城  
前司盛時等為奉行目錄詳載東鑑今畧  
叙將軍及時賴位

東鑑曰被進閑院遷幸造內裏遷賞將軍家令叙三品  
給相州正下被叙五位

秋七月上皇幸法勝寺

百練抄曰法勝寺阿彌陀堂并蓮花王院御佛奉作始  
也於法勝寺上皇臨幸寺門有此事

九月天滿宮祭

百練抄曰十三日天滿宮祭也而可停止飛磔之由承  
別當宣使廳下部等制止之間并置彼神輿於大理門  
中遷散也

十月藤為家上續後撰和歌集

拾芥抄曰寶治二年七月奉勅致後嵯峨院院宣

冬十二月天皇始讀書

百練抄曰左大臣已下參入文章博士長成朝臣為侍  
讀

了行法師千葉近親等謀反事覺伏誅



東鑑曰世上物念近江大夫判官氏信武藏左衛門尉  
景賴生虜了行法師矢作左衛門尉千葉介長次郎左  
衛門尉久連等件輩有謀叛企仍誣方兵衛入道為蓮  
佛之承推問子細太田七郎康右而記詞逆心悉露顯  
其後鎌倉中弥騷動諸人競集廿七日被誅謀叛之衆  
又有配流之者云云近國御家人群集如雲霞皆以可  
歸國之由被仰出

壬四年

鎌倉將軍九年四月以後宗尊親五代

春二月朔

日食

百練抄 ○法性寺入道薨

東鑑曰玄元一日戌刻法性寺禪定殿下薨之由申之

仍奥州相州以下人人群參彼薨御事有說等武家可  
有籌策之期也

三月宗尊親王入鎌倉

東鑑曰二月廿日和泉前司行方武藤左衛門尉景賴  
為使節上洛是奥州相州當將軍被辭執權申上皇弟  
一三宮之間可有御下向之由依申請也其狀相州自  
涂筆奥州被加判處也他人不知之○百練抄曰卅日  
關東飛脚到來三品親王宗尊為征夷大將軍可有御  
下向云云○東鑑曰三月五日就宮御下向事自玄一  
日於仙洞連連有其沙汰殿下每度參給但三歲宮

活



十三歲宮大納言兩所之間何御方可有御下向哉事  
 依被尋仰下之六波羅所馳申也奧州相州等會合被  
 經群議十三歲宮可有御下向之旨被申之○十九日  
 三品親王關東御下向也自仙洞入御六波羅八葉吉  
 田中納言為經卿土御門宰相中將顯方花山院中將  
 長雅朝臣右中辨顯雅朝臣等連車辰一點令起六波  
 羅給御輿也○今年六月御病惱之時秋田城介傳群  
 議之趣鶴岡別當隆辨曰此君仙洞御鍾愛之一宮也  
 東關諸人懇望不尋閑之間為三位中將殿御替御下  
 向非武家眉目乎

夏四月拜宗尊親王為征夷大將軍

東鑑曰五日及晚六波羅留守飛脚小林兵衛尉到着  
 是所持參將軍宣旨案文也正文未十一日可被請取  
 官使權少允已可進奏云云宣旨狀云三品宗尊親王  
 右被九大臣宣傳件親王宜為征夷大將軍建長四年  
 四月一日大外記中原朝臣師兼奉

前將軍賴嗣還自鎌倉

東鑑曰前將軍并若君御所御母儀二位殿等御上洛  
 而已去月廿二日御出御所今日為重服亦可有憚欵  
 之由陰陽道雖申之不能御許容遂以御進奏



五月左近將監平朝臣時兼卒

東鑑 按系重時  
第五子

六月宣陽門院崩 百練通東鑑作宣  
抄考陽蓋非

天皇宰相國第

百練抄曰主上行宰相國富小路亭內侍所同渡御翌

日還幸閑院

秋七月以藤道良為右大臣 元內大臣 藤定雅為內大臣 元大納言

補任 ○九月鎌倉禁沽酒

東鑑曰鎌倉中所所可禁制沽酒之仰保保奉行人等  
鎌倉中所所民家所註之酒壺三萬七千二百七十四

口云云又諸國市酒全分可停止之由 ○十月沽酒禁  
制殊有其沙汰悉以被破却壺而一屋一壺被宥之但  
可用他事不可有造酒之儀若有違犯之輩者可被屬  
罪科之由固定下之

冬十一月以藤兼平為太政大臣 元左大臣 藤道良為左大臣 元右大臣

藤定雅為右大臣 元內大臣 藤公相為內大臣 元權大納言補任

將軍徙新殿

癸丑五年 鎌倉親王將軍二年 ○執春正月天皇冠

百練抄曰主上御元服儀也御年十一加冠撰政太政

大臣理御鬢尤大臣理髮內藏頭資平朝臣 ○集成曰



於閑院元服

二月朔日食

百練抄

○夏六月地震

東鑑曰近年無比類

秋九月前右大臣藤原朝臣實親出家

補任

○冬十月錄倉

下新制

東鑑曰奴婢雜人事被定法付田地召仕百姓子息所  
從事雖經年序宜任彼輩之意又被施行新制法今日  
以後固守此旨不可違犯之由可被仰下也就中法家  
女房裝束事五衣練貫過差可停止事

錄倉定物價

東鑑曰被定利賣直法其押買事同被固制禁畧薪馬

芻直法事炭一駄代百文薪三十束三巴別萱木一駄

八束代藁一駄八束代糠一駄俵一文件雜物近年高

五十文直過法可下知商人者和賀江津材木事近年不法

之間依難用造作被定其寸法所謂樽長八尺若七尺

令不足者令點定之奉行人可申子細之由

十一月藤兼平辭太政大臣

補任

○以藤實基為太政大臣

元前右大臣

○時賴供養建長寺

東鑑曰建長寺供養以丈六地藏菩薩為中尊又安置  
同像千體相州殊令凝精誠給去建長三年十一月八



日有事始己造畢之間今日廿五展梵席願文草前大

內記茂範朝臣清書相州導師宋朝僧道隆禪師又一

日內被遂供養五部大乘經此作善旨趣上祈皇帝萬

歲將軍家及重臣千秋天下太平下訪三代上將二位

家并御一門過去數輩沒後御

甲寅六年鎌倉親王將軍三年○執春二月藤實基辭太政

大臣補任○法成寺火百練抄○地震百練抄○上皇幸諸寺社

百練抄曰御幸祇園北野廣隆寺暖峨寺

夏四月鎌倉定外國船數

東鑑曰唐船事有沙汰被定其負數即今日被施行之

唐船者五艘之外不可置之速可令破却

閏五月將軍觀相撲

東鑑曰相州隨身下若等參御所給將軍家出御廣御

所御酒宴及數獻近習人人被召出之各乘醉于時相

州被申云近年武藝廢而自他門共好非職才藝事已

忘吾家之禮訖可謂比興然者弓馬藝者追可試會先

於當座被召決相撲勝負可感否御沙汰之由將軍家

殊有御入興爰或逐電或令固辭為陸奧掃部助奉行

於遁避之輩者永不可被召仕之旨再三依仰會十餘

輩愁及手合不撤衣裝長田兵衛太郎被召出候砌判



申勝負是非依為譜代相撲也一番右 左持三浦遠江六郎左衛門尉結城上野十郎二番大須賀左衛門四郎波多野小次郎三番右 左持澁谷太郎左衛門尉檢校中務三郎四番右 左勝橘蔭摩余一服部弥藤次五番右 左勝廣澤余三加藤三郎六番右 左持常陸次郎兵衛尉土肥四郎勝并持者被召御前賜御劍御衣等雲客取之負者不論堪否以大器各給酒三度御一門諸大夫等候抄允有興有感時壯觀也

地震皇年代記

○六月霹靂東大寺

集成曰雷落東大寺勅封倉寺中人打開戶消火無為

百練抄曰權右中辨資定期臣下向南都為實揆

冬十月錄倉定雜物價

東鑑曰雜物等依有高直之間被定其法今日所被施行也炭薪萱藁糠事高直過法之間依為諸人之煩先日雖被定下直於自今以後者不可有其儀如元可被免交易但至押買并迎買者可令停止也以此旨可被相觸相摸國如然之物交易所也者依仰執達如件

十一月藤定雅辭右大臣補任○十二月以藤兼平為關白

補任曰上表為關白准撰政

錄倉制僮僕員



東鑑曰評定衆并可然大名外之輩者云出仕云私出行不可具騎馬共人凡非暗儀者僮僕之負可減定之普可相觸之由所被付侍所司等也

以藤公相為右大臣元內藤公基為內大臣元權大納言

乙卯七年鎌倉親王將軍四年○執春二月雅成親王薨于

但馬國

百練抄曰但馬宮雅成親王於配所但馬國令入減給

三月太上皇大宮院幸熊野百練抄○夏四月太上皇大宮

院還自熊野百練抄○六月天皇幸前大相國第

百練抄曰主上行幸前大相國富小路第依明日祇園

會少將并神可令融陣中給也

流星見皇年代記○秋八月霹靂法勝寺塔

百練抄曰雷落懸法勝寺九重塔上雷火出来然而打消之

冬十月天皇幸春日社

百練抄曰十九日主上御幸春日社右大臣內大臣已下供奉開白雖為輕服日數內依承保例供奉之二十一日還幸

太上皇始幸龜山殿

百練抄曰二十七日上皇嵯峨殿御所龜山殿御移徙



儀也二十八日遷御大炊御門殿御幸始儀也

十二月講除目儀于龜山殿

百練抄曰於上皇御所龜山殿有除目御習禮事三箇日

丙辰康元元年鎌倉親王將軍五年執權平時賴連署平

代時賴重時三月以後平政村代重時十一月以後○民部

卿藤原朝臣為家出家

執權次第曰法名觀覺弘長元年十一月於極樂寺別

業卒時年六十四

前右馬權頭平政村為鎌倉連署

通按系重時弟陸奧

馬助權頭陸奧守相模  
守右京權大夫孫常盤

夏四月熒惑入大微集○鎌倉以平時茂為六波羅守護

東鑑○陸奧  
彌四郎○平長時遷鎌倉

東鑑曰尤近大夫將監長時自京都下著去九日辭六

波羅釐務出京

六月鎌倉令奧州捕盜

東鑑曰奧大道夜討強盜蜂起成往及旅人之煩仍此  
間度度有其沙汰可致警固之旨今日被仰付于彼路  
次地頭等人別御教書曰奧大道夜討強盜事近年為  
蜂起之由有其聞是偏地頭沙汰人等無沙汰之所致



也早所領內宿宿居置直人可警固只有如然之輩者  
不嫌自他領不可見隱之由被召住人等起請文可被  
致其沙汰若尚背御下知之旨令緩急殊可有御沙汰  
之狀依執達如件

天皇幸前大相國第

百練抄曰主上為御方違行幸前太政大臣冷泉亭明  
日祇園御靈會少將神輿依可令通陣中給也內侍所  
同渡御十四日還御閑院

流星見

東鑑曰十四日己刻光物見長五尺余其躰初者似白

鷲後者如赤火其跡如引白布白晝光物尤可謂奇特  
雖有本文所見於本朝無其例云云又近國同見又七  
月記曰件光物見男山之由別當申之自仙洞有御尋  
之屬司天等依申不伺見之由同自石清水令注進其

圖

秋七月上皇徙大宮殿

百練抄曰上皇御移徙五條大宮新造御所也大宮院  
御同車被召具一負

八月粟田宮火

百練抄

集成曰盜放火



九月赤斑瘡行

東鑑曰將軍家御惱赤斑瘡當時流布諸人不免之  
百練抄曰天皇令煩赤斑瘡御此近日世間流布上下  
病惱

前將軍藤原朝臣賴嗣薨

百練抄曰依斑瘡也

冬十月改元

百練抄曰依赤斑瘡也

上皇供養淨金剛院

集成曰太上皇御願龜山殿新御堂供養  
淨金剛院 關白兼

平公被書額 嵯峨御堂是也 ○百練抄曰上皇臨幸 著聞集

日大升の山店と仙臺ふり法一か一まを造之のり権大御  
実雄のの法ととまきえ一水のころそ山の下きつふ  
地一移くやそなり東に廣陸と北をの森あり  
あの中書王此物ありあこ小倉山のゆり也わさこ山あり  
きくささるる自然の地地あり南を大升川を流たあり  
法橋の橋ありか形をわし小舟二隻の種多法涼きふ  
たりまを移るよふすくはて佛法は神のそころあり

十一月以藤子為女御

百練抄曰女御 弘子 後改公子前太入内儀也  
政大臣息女



時賴辭執權令武藏守長時代之

東鑑曰相州赤痢病減氣今日被讓執權於武州長時  
又武藏國務侍別當并錄倉第內被預申之但家督勿  
程之眼代也

相摸守平朝臣時賴出家

東鑑曰於最明寺相州令落飾給十年三依日未素懷也

法名覺了房道崇戒師宋朝僧道隆禪師依此事名家  
兄弟三流既為沙弥希代珍事也前大藏權少輔朝廣  
法名上野四郎左衛門時光法名同十郎朝村  
信佛法名忍以上  
結城各法名遠江守光盛法名三浦介盛時法名大夫判官

時連法名觀蓮以上前筑前守行泰法名善前伊勢守法名

行信法名行一以上彼面面有所募年未

無貳斯時思名殘之餘忽顯此志但皆被行自由之過  
可止出仕之由通考弘長三年十一月卒號最明寺年三

十七

前右大臣藤原朝臣師經出家補任

百練抄曰正元元年正月十五日薨

十二月前右大臣藤原朝臣定雅出家補任

丁正嘉元年錄倉親王將軍六年○執春正月冊女御藤

公子為中宮百練抄○二月太政官廳火



百練抄曰朝所之外皆悉燒失

時賴子正壽冠于營中

東鑑曰相州禪室若公御名正壽七歲於御所被加首服將軍

御加冠武州理髮預書下御名字時宗

大宮院火

百練抄曰五條大宮殿院御所同炎上

三月前太政大臣藤原朝臣兼經出家

百練抄曰近衛大閣御出家法名真理○補任曰正元

元年五月薨

改元

百練抄曰依官廳以下炎上事

閏三月天雨灰

集成曰今且世間似木葉之灰燼物自天降京中邊土者多成不審但台岳燒時如此

夏四月上皇徙三條坊門殿

百練抄曰上皇新造三條坊門殿御移徙之儀也

五月朔日食百練抄○秋七月承明門院崩

百練抄曰年八十六

八月地大震

東鑑曰大地震有音神社佛閣一字無全山岳頽崩人



屋顛倒築地皆破損所地裂水涌出中下馬橋邊地裂破自其中火炎燃出色青大動以後至九月四日小動不休止

九月熒惑入大微集○冬十一月地大震

東鑑曰如去八月廿三日

以藤公基為右大臣元內藤實雄為內大臣元權大納言○補任

十二月勅許鎌倉撰樞要結番廂衆

東鑑曰當參人數之內或可然之仁或撰樞要之輩始被結番廂衆此事以仙洞之義被摸關東之條頗可有其悼歎之由被仰合于相州禪室就被答申之篇以內

藏權頭親家遠江十郎左衛門尉賴連等為御使內內被窺慮所有勅許亦侍之參昇可為何樣哉之趣同申之於其境至被嫌思食侍者人數定不足歎之旨被仰下之緯已嚴重之間以近衛將以下等為番頭故滌御宸筆令書御簡御料紙所被用唐紙也此間有珍事賴連為使節可被戴名字於番頭服不然者無所望由頻訴申之有沙汰被閣之次伺見參結番事雖被定置之此一兩年其衆自然解緩之間今日更被撰勤厚族被定之

戊午二年錄倉親王將軍七年○春正月太白犯熒惑

集成曰相去一寸許



夏四月日吉社火

集成曰日吉社燒火起從東坂本在家梅出北屋餘  
炎及王子宫并十禪師二宮八王子三宮早尾大宮被  
岸所之外大牛子神殿拜殿彼岸所以下舍尾拂地燒  
失山門座主記云五社云云八王子三宮除之也

山門奉日吉神輿入縫殿陣

東鑑曰二十一日京都飛脚到未去十七日奉振日吉  
神輿三基於縫殿陣口警固輩鎖諸門之間取御正躰  
投入築垣內是園城寺戒壇事依可有勅許也

清水寺火

集成曰西中門并塔等燒亡於御堂者不燒

大炊御門殿火

百練抄曰院御所大炊御門殿燒失

五月日吉神輿還山

百練抄曰日吉神輿三基御歸座本社戒壇事不可被  
宣下之由再三被仰下之間奉入之○山門衆徒等奉  
切破日吉神輿二基二宮八王寺是入洛之間悉可被造替  
之由為訴申也

六月上幸三條坊門殿

百練抄曰十三日主上行幸三條坊門殿祇園御靈會







狼喉之甚不可不誠不可見隱聞隱之由度度被仰下  
畢早可加警固也於竇犯之族者可令召進其身且雖  
為權門勢家之領背守護人下知於拘惜惡黨者注申  
可被行其科也以此旨觸迴其國中可令致沙汰之狀  
依仰執達如件

秋九月太白犯熒惑

集成曰一尺八寸許

冬十一月以藤實雄為右大臣

元內大臣藤基平為內大臣

元權

大納言補任

己未 正元元年

鎌倉親王將軍八年○執權平長時連署平政村

春三月改元

集成曰依疾疫飢饉也

夏五月復今宮祭

百練抄曰九日紫野今宮祭也自院廳被騎新馬長此  
事中絕當今年被興行依疫疾御祈也

珍皇寺火

百練抄

○閑院火

百練抄曰閑院皇居炎上主上駕腰輿行幸三條坊門  
殿

天皇御富小路殿

百練抄

○秋八月天皇幸大宮新殿

百練抄曰主上行幸五條大宮新造御所依可有未北  
八日東宮御元服儀也



皇太子冠

百練抄曰東宮御元服於皇居大宮殿有此儀加冠右大臣傳理髮掘川中納言基具卿儀了行啟上皇御所大炊御門殿有拜觀儀

天皇幸富小路殿

百練抄曰主上自五條殿還御富小路殿

冬十月天皇幸有馬温泉湯

百練抄曰五日自今日主上御湯治被召有馬温泉湯

十一月朔旦冬至

百練抄

○抄 左大臣藤原朝臣道良薨

百練抄曰年廿七

任 祐之案補今朝上辞表遂出家

以藤公相為左大臣

補任曰元前右大臣前官任左大臣初例

天皇幸萬里小路殿

百練抄曰主上自富小路殿行幸萬里小路殿内侍所同渡御中宮同行啟為步儀

皇太子御冷泉殿

百練抄曰東宮行啟冷泉殿来廿六日可有御讓位之故也

天皇禪位于皇太子

園大曆曰禪讓各別御所例新主

冷泉富小路舊主冷泉



萬里小路十  
五日遷御

十二月上太上皇尊號即日院廳始

百練抄曰踐祚以後政始畧大納言良教卿被奏新院  
尊號詔書今日新院廳始也

以中宮藤公子為東二條院百練抄○太子即位于太政官

廳皇年  
代記

百練抄曰春秋十一

庚申龜山院文應元年鎌倉親王將軍九年  
權平長時連署平政村  
執春正月山

門奉神輿入陣事解而還

皇年代記曰四日三井戒壇宣下○集成曰六日日吉

神輿三基十禪師八王子客人祇園北野京極寺等神  
輿奉振陣頭是依園城寺戒壇事也○東鑑曰二基奉  
振院御所○集成曰廿一日日吉神輿歸座本社考參東  
鑑曰三月若宮別當僧正隆辨自京都歸參是依園城  
寺三摩耶戒壇事去年九月十四日上洛今年正月四日  
就令奏達之勅許而山徒及強訴之間同二十日被召  
返官符○東鑑曰寺門衆徒僧正仙朝法印淨有忠尊  
以下僧綱三十餘輩衆會金堂凝僉議同廿三日退散  
鎌倉定營中衛衛

東鑑曰於御所中被定早昼番衆其內於壯士者歌道



蹴鞠管絃右筆弓馬郢曲以下都以堪一藝之輩於時  
依可有御要被結番定去比御要之時無人之間殊以  
此御沙汰出來仍仰小侍况於藝能輩目六度度被仰  
合相州禪門治定

錄倉限日勿放漁獵

東鑑曰可禁過殺罪輩之由有其沙汰被定事書六齋  
日并二季彼岸殺生事右魚鱉之類禽獸之彙重命逾  
山岳身同人倫曰茲罪業之甚無過殺生是以佛教之  
禁戒惟重聖代格式炳焉也然則件日日早禁魚網於  
江海宜停狩獵於山野也自今以後固守此制一切可

隨停止若猶背禁過有違犯輩者至御家人者令注進  
交名於凡下輩者可加罪科之由可被仰諸國守護并  
地頭等但至有限神社祭者非制禁之限

二月入道時賴養藤兼經子為將軍妃

東鑑曰故岡屋禪定殿下兼經公御息女御年二十為最明  
寺禪家御猶子御下著則入御山內亭是可令備御息  
所給

夏四月萬里小路殿火

皇年代記曰院御所火事○園大曆云上皇御所冷泉  
萬里小路殿燒失放火時上皇御座龜山殿之間也



改元集 ○鎌倉火

東鑑曰鎌倉中大燒止自長樂寺前至龜谷人屋

五月閑院殿火東寺長者補任 ○六月鎌倉大風雨

東鑑曰疾風暴雨洪水河邊人屋大底流失山崩人多為磐石被壓死

冬十一月前太政大臣藤原朝臣實氏出家

補任曰六十七法名實空文永六年六月七日薨七十六號常盤井入道

大嘗會

集成曰悠紀近江國甲賀郡主基備中國英賀郡

辛酉 弘長元年鎌倉親王將軍十年 春正月盜入孔子廟權平長時連署平政村 執

集成曰今夜孔子廟倉群盜亂入七十二鋪御影奉破損中余鋪者如形御座六十鋪許御影大略如無奉放

二月改元

集成曰依辛酉也翌日一院召左大辨宰相經俊卿給御劍是去夜辛酉定文早速令書之間有叡感之故也

三月以藤實雄為左大臣元右大臣 藤基平為右大臣元內大臣 藤

公親為內大臣元大納言 ○補任

夏四月開白藤兼平罷以藤良實復為開白補任 ○六月詠



訪蓮佛捕律師良賢

東鑑曰諷方兵衛入道蓮佛平左衛門尉盛時等於龜  
谷石切谷邊生處故駿河前司義村之子息大夫律師良賢  
是依有謀叛之企也駿河八郎入道式部大夫并野本  
尼若狹前司以下其張本教輩依之鎌倉中騷動入夜  
泰村娘近國御家人馳參為鎮都鄙騷動被仰遣六波羅御教  
書云大夫律師良賢若狹前司依有謀叛之企被召取  
其身訖指無與力之輩候也依此事在京并西國御家  
人等令參向者如先先可被止置也隨無殊事之由面  
面可被相觸者依仰執達如件

秋九月一院幸七大寺集

法隆寺日記曰九月四日後嵯峨太上天皇當寺御幸  
有之供奉人公卿九人左大臣實雄二條大納言資季  
土御門大納言通成花山院大納言通雅左衛門督基  
具太宰帥行隆土御門中納言通賴新三位中將公雅  
新宰相資平新宰相平方殿上人十二人上北面八人  
下北面十四人御隨身三人醫師一人陰陽師一人  
謂殿上人以下  
姓名畧

一院新院幸吹田集

冬十二月以藤公相為太政大臣  
元左大臣  
補任  
○那智山火



集戌

二年

錄倉親王將軍十一年  
執權平長時連署平政村

春正月天皇幸五條殿

集成曰為御違方行幸五條殿一院御幸六條殿新院

幸鳥羽殿

以藤基忠為內大臣

元權大納言補任

○三月天皇幸石清水宮

集戌

○夏四月天皇幸賀茂社

集戌

○秋七月藤公相辭太政

大臣

補任

癸三年

錄倉親王將軍十二年  
執權平長時連署平政村

春三月藤實雄辭左大

補任

○秋七月以一品諒子為月華門院

集成曰龜山時前后後差哉皇女

八月錄倉大風雨

東鑑曰雨降雷鳴南風烈雨脚弥甚大風拔樹民屋大畧無全所御所西侍顛倒棟梁桁等吹拔之由比濱着岸船數十艘破損漂沒先是將軍家御上洛沙汰有之之虜諸國損亾百姓愁歎之間以撫民之儀延引之間以御使遠江十郎左衛門賴連被申此由於仙洞

冬十一月熊野本宮火

集成曰自別所火出來於御躰者任例奉移河原

甲子文永元年

錄倉親王將軍十三年  
連署平政村八月以後平時宗代政村

春二

月改元



集成曰依甲子也

三月延曆寺火

集成曰延曆寺講堂常行堂延命院戒壇院鐘樓法花堂四王院八部院等燒亡於中堂者免餘燄訖

山門奉神輿入京師

集成曰日吉神輿三基入洛

八王子客人十禪師

并赤山祇園北

野等神輿奉振并二條高倉

內裏

冷泉高倉

一院御在所等

夏五月山門攻園城寺

集成曰三月廿九日於園城寺金堂有三摩耶戒○五月二日山門衆徒向園城寺致合戰園城寺并大津

燒亡六波羅武士騷動

彗星見

皇年代記曰彗星見良六月二十六日又見良

祐之按門葉記至七月末修禱則久而未滅乎長者

補任亦曰七月廿八日僧正定親祈彗星變於萬里

小路仙洞

六月金峰山火

集成曰金峰山藏王堂雷火燒亡

秋七月武藏守平長時出家

北條日記曰法名專阿同年八月卒于淨光明寺年三



八月鎌倉以相摸守平政村為執權左馬權頭平時宗為

連署

北條日記

系曰時宗時賴次子○北條日記曰時年十四母陸奧

守重時女

乙丑二年

鎌倉親王將軍十四年執權平政村連署平時宗

春正月朔日食

集成曰節會延引二日被行之院拜禮同之

二月宮崎宮火

集成曰筑前國宮崎宮火事

三月以平政村為左京權大夫平時宗為相摸守

北條日記

○

夏四月藤良實辭開白以藤實經為開白氏長者

補任

○皇

子熙仁生

皇年代記曰後深草院第二子母玄輝門院左大臣實

雄女准三后藤清子或曰信子又愔子

祐之按集成為秋七月誕誤

正統記作愔子

五月天皇幸大宮殿

集成曰暫可為皇居之故也

秋九月前太政大臣藤原朝臣實基出家

補任曰法名圓覺

祐之案圓覺一作圓性

冬十月以藤基平為左大臣

元右大臣

藤基忠為右大臣

元內大臣



藤冬忠為内大臣

元大納言補任

○十二月彗星見

東鑑曰見東方獻勘文

藤基家等上續古今和歌集

藤基家序曰續古今和歌集之意也  
初在氏初以友系初在為家付後友系初在初在友系初在友後之

丙三年

鎌倉親王將軍十五年七月以後惟康代

春正月

彗星見

北條日記

○二月鎌倉雨泥

東鑑曰泥交雨降希代恠異也

一院幸西郊

集成曰一院御幸西郊即幸法輪寺并廣隆寺等

一院幸松尾梅宮

集成

○夏四月供粮蓮華王院

集成一院新院御同車女院准后行啟天皇行幸

五月朔日食

東鑑

○六月鎌倉亂

東鑑曰十九日於相州御亭有深秘御沙汰相州左京兆越後守實時秋田城介泰盛會合此外人人不及參加今日松殿僧正良基退出御所中逐電有子細○廿三日御息所并姬宮俄以入御山内殿若宮入御相州亭仍人人多以馳參彼所凡鎌倉中騷動不知其故○廿四日左大臣法印嚴惠遁世晦跡○廿六日近國御家



人如蜂競集餘屋滿巷

秋七月親王將軍還自鎌倉

東鑑曰一日御家人等或破開有奔參于鎌倉之輩或迴路有密參之類皆帶兵具隱居邊土及酉刻民俄騷動群參之輩加小具足帶弓箭然而無事暮畢○三日自今曉民間不安或破壞家屋或運隱資財是皆怖戰場之故欵已一點甲冑軍士揚旗自東自西馳集窺參相州門外次於政所南大路相一同時音其後少卿入道心蓮信濃判官入道行一等為相州御使參御所往還及西三度先如此軍動之時將軍家入御執權亭又

可然人人參營中奉守護之欵今度無其儀世以恠之朝馴暮老近臣之類皆出周防判官忠景信濃三郎左衛門尉行章伊東刑部左衛門尉祐賴鎌田次郎左衛門尉行俊淡谷左衛門次郎清重等計相殘御所中○四日今日午刻騷動中務權大輔教時召具甲冑軍兵數十騎自藥師堂谷亭至塔過宿所依之其近隣弥成群動相州以東鄉八郎入道令制中書行粧給無所于陳謝成刻將軍家入御越後入道勝圓佐介亭被用女房輿可有御帰洛之御出門○九日前將軍家御入洛著御左近大夫將監時茂六波羅考參增鏡曰東子何事



にうは侍りいしきことにてたふぬりとして將軍七月八日侍りて  
 してははほりか社にいけりてはの初とあへん付の候式にあらん  
 かふへきやうはのときふせいけぬわふふとあやしきはあり  
 三はりてはのほりたりはるりのありははるの少方なきては  
 袴はるゑは侍りせたりあへはは東よせおまててはあり  
 お揃當時系と左系権方丈政村頼長なり政村といはるゝ義時乃  
 四節たり系の中よは羅陸奥守竹茂式初大補付輔をばはる  
 くはるゝぬはすになりぬと十月より板取ははるのあはと土治  
 門乃系小治友へはういありてのちそ陸のうへは母唯左系と  
 まよりはりては是面ありさへきくゝはよりつかりはたりて

よのほひ乃はありははふりたりにたねと建長四年又たてはるゝり  
 あはるゝはちいほまて十五子とわくふたはるゝいさうとてあ  
 りはるゝはははしてはるゝはははるゝはははるゝはははるゝ  
 こゝろはるゝははははるゝはははるゝはははるゝはははるゝ  
 こそはるゝはははるゝはははるゝはははるゝはははるゝはは  
 乃いさうはり多はるゝはははるゝはははるゝはははるゝはは  
 ましてよはははるゝはははるゝはははるゝはははるゝはははるゝ  
 かねとふいといはるゝはははるゝはははるゝはははるゝはははるゝ

以惟康為征夷大將軍

補任曰惟康為從四位下征夷大將軍宗尊親王男母



入道撰政兼經公女

八月蒙古遣使諭高麗通信

元史日本傳曰元世祖至元一年以高麗人趙葵等言日本國可通擇可奉使者三年八月命兵部侍郎黑的等云云○又高麗傳曰三年八月遣國信使署等使日本先至高麗諭旨十二月植遣其樞密院副使宋君斐借禮部侍郎金贊等導詔使黑的殷弘等往日本不至而還○又元世祖記曰元至元三年八月以兵部侍郎黑的禮部侍郎殷弘祐之按元史高麗傳作兵部侍郎孝先等日本傳作黑的給虎符充國使殷弘給議官伯德金符充國信副使使日本

使日本賜書曰皇帝

元史日本傳作

奉書日本國王朕

惟自古小國之君境土相接尚務誦信脩睦况我祖宗受天明命奄有區夏遐方異域畏威懷德者不可悉數朕即位之初以高麗無辜之民久瘁鋒鏑即令罷兵還其疆場反其旄倪高麗君臣感戴未朝義雖君臣而歡如父子計王之君臣亦已知之高麗朕之東藩也日本密通高麗開國以來時通中國至於朕躬而無一乘之使以通和好尚恐王國知之未審故特遣使持書布告朕心冀自今以往通問結好以相親睦且聖人以四海為家不相通好豈一家之理哉以至用兵夫孰所好王



其圖之 東國通鑑曰高麗元宗順孝五十七年十一月  
蒙古黑的殷弘等未詔曰今爾國人趙彝未告日本與  
爾國為近隣典章政治有足嘉者漢唐而下亦或通使  
中國故遣黑的等往日本欲與通和卿其導達去使以  
徹彼疆閩悟東方向風慕義茲事之責卿宜任之勿以  
風濤險阻為辭勿以未通好為解恐彼不順命有阻去  
使為托卿之忠誠於斯可見卿其勉之彝本咸安人初  
為僧後歸俗叛入蒙古能解諸國語出入帝所以謔毀  
本國為事○命樞密院副使宋君斐侍御史金贊與黑  
的等往日本

祐之案元史一為不至日本而還又為遣黑的殷弘  
等上書案東國通鑑明年記又為不至日本遂還按  
皇年代記明年二月記為蒙古牒狀到來是蓋非今  
年十一月所發者且元史東國通鑑等至今年秋冬  
之間而發者必當至明年春夏而到國朝據我史而  
係年月則恐有支吾故從其書而錄下倣之

丁卯四年 錄倉惟康將軍二年 ○ 執權 春正月藤冬忠辭內  
大臣 補任 ○ 二月朔日食 東寺長者補任 以藤家經為內大臣 元權大納  
補言 ○ 高麗遣其臣與蒙古黑的等來不至而還  
東國通鑑曰正月高麗宋君斐金贊與黑的等至巨濟



松邊浦畏風濤之險遂還王又令君斐隨黑的如蒙古  
奏曰詔旨所諭導達使臣通好日本事謹遣陪臣宋君  
斐等伴使臣以往至巨濟縣遙望對馬島見大洋萬里  
風濤蹴天意謂危險若此安可奉上國使臣冒險輕進  
雖至對馬島彼俗頑獷無禮義設有不軌將如之何是  
以與俱而還且日本素與小邦未嘗通好但對馬島人  
時曰貿易往來小州耳小邦自陛下即祚以來深蒙仁  
恤三十年兵革之餘稍得蘓息縣縣存喘聖恩天大誓  
欲報効如有可為之勢而不盡心力有如天日

秋八月高麗遣使陳蒙古

元史日本傳曰六月帝謂王植以辭為解令去使徒還  
復遣黑的等至高麗諭植委以日本事以必得其要領  
為期植以為海道險阻不可辱天使○東國通鑑高麗  
紀曰秋八月宋君斐等與黑的殷弘復來帝諭曰向者  
遣使招懷日本委卿嚮導不意卿以辭為解遂令徒還  
意者日本既通好則必盡知爾國虛實故托以他辭然  
爾國人在京師者不少卿之計亦踈矣且天命難諶人  
道貴誠卿先後食言多矣亘自省焉今日日本事一委於  
卿卿其體朕此意通諭日本以必得要領為期卿嘗有  
言聖恩天大誓欲報効此非報効而何李藏用以書贈



黑的等曰日本阻海萬里雖或與中國相通未嘗歲修職貢故中國亦不以為意未則撫之去則絕之以為得之無益於王化棄之無損於皇威也今聖明在下日月所照盡為臣妾蠢爾小夷敢有不服乎然蜂蠆之毒豈可無慮國書之降亦甚未宜隋文帝時上書云日生虜天子致書于日沒虜天子其驕傲不識名分如此安知遺風不存乎國書既入脫有驕傲之答不敬之辭欲捨之則為大朝之累欲取之則風濤艱險非王師萬全之地陪臣固知大朝寬厚之政亦非必欲致之偶因人之上言姑試之耳然取捨如彼尺一之封莫如不降之為

得也且豈不聞大朝功德之盛哉既聞之計當入朝然而不到蓋特其海遠耳然則期以歲月徐觀其至否則辨其內附否則置之度外任其蚩蚩自活於相忘之域實聖人天覆無私之至德也陪臣再觀天陞親承容渥今雖在遐陬犬馬之誠思効萬一耳蓋藏用度日本竟不至將累我國故密以書贈黑的欲令轉聞以寢招懷之事然不先聞於王故王疑有貳心即配雲興嶋接伴起居舍人潘阜亦坐不告流彩雲嶋阜方、黑的武士突入曳出黑的怒詰問知之乃還藏用書且曰我若歸奏此書幸而聽之天下之福也如不之聽於汝國亦有



何罪固止之由是皆獲免

### 九月高麗遣使上蒙古書

元史日本傳曰遣其起居舍人潘阜等

通考高麗傳作潘阜書狀官李

挺充國信使

持書徃日本留六月亦不得其要領而歸○東

國通鑑高麗紀曰高麗王遣起居舍人潘阜賚蒙古書

及國書如日本蒙古書云云

通考祐之謂所謂蒙古書至元三年黑的殿弘賚未

者故畧文見上

國書曰我國臣事蒙古大國稟正朔有年矣皇

帝仁明以天下為一家視遠如邇日月所照咸仰其德

今欲通好於貴國而詔寡人云日本與高麗為隣典章

政治有足嘉者漢唐而下屢通中國故特遣書以往勿

以風濤阻險為辭其旨嚴切茲不獲已遣其官某奉皇  
帝書前去貴國之通好中國無代無之况今皇帝之欲  
通好貴國者非利其貢獻蓋欲以無外之名高於天下  
耳若得貴國之通好必厚待之其遣一介之使以往觀  
之何如也貴國高酌為冬十一月遣弟安慶公温如蒙  
古賀正因告更遣潘阜使於日本

祐之謂嘗過南京見文永五年二月南都僧修後鳥

羽院御八誦於西郊龜山之日所寫一本標出平頭

寫樣如原文者始記蒙古高麗牒如上文末載潘阜

書是蓋阜等來宰府上京都臺省者為後鑒附于後



其詞曰啟即辰伏惟明府閣下起居千福瞻企無已衍字已及到貴境已來館對溫厚感佩難安頃者大蒙古國強於天下四方諸國無不賓服我邦亦罹於兵革未獲土著幸今皇帝專以寬仁御衆收威布德顧我黎庶亦賴其恩安生久矣如貴國往來人素所知也其所詔令敢不惟命越丙寅年秋遣使二人傳詔云日本國與高麗為隣自漢唐而下通使中朝今欲令通好遣介向導以徹彼疆勿以風濤險阻為辭抑未嘗通好為解其旨嚴切固難違忤然念我國與貴國敦睦已久若一旦於不意中與殊形異服之人航海

遠至則貴國不能無嫌疑茲用依違未即裁禀至於毀我金州接對貴國人館而防之實迫於威令不敢便拒輒差行人與彼介偕至海濱方其阻風時而亦藉其危險施延時日以諭之以故不能再而旋返此則我國之向貴國之意何如也因表奏其狀以謂更無後言又前年秋仍遣前來使介及其上貴國大王書一通而詔勅如前日遣使人詣彼宣布勿復遲疑其責愈嚴勢不得已乃命吾輩賚持彼朝皇帝書一通并我國書及不腆些小土宜獻于貴國大王殿下其皇帝國書之意與貴國通好外更無別語予等必



欲躬詣闕下親傳國書仍達縷細惟冀閣下一切扶護  
導達于王所幸甚不宣拜覆正月日書狀官將仕郎四  
門博士李仁挺高麗國信使朝散大夫尚書禮部侍郎  
知制誥賜紫金魚袋潘阜

冬十月前太政大臣藤原朝臣公相薨

補任曰年四十五〇增鏡曰こ乃大長入及及よりいも  
たもせとくれいちをくわくおはしなれいころのそふい  
さのこたをくくくくくくくくくくくくくくくくくく  
はかしくと人のぬまこりくくくくくくくくくくくく  
くめて申すわくふ目めかりしちくくくくくくくくくく  
に

かふかまかへ乃いほくふてわふくのしとくくや東  
山の急ろりくくくくくくくくくくくくくくくくく

補任作十二月集成増鏡作十月今從之

十二月皇子世仁生

皇年代記曰龜山院第二子集成作第一子母京極院左大臣  
實雄女皇后宮藤祐子正統記作菽子

藤實經辭開白以左大臣藤基平為開白氏長者補任

戊辰五年鎌倉將軍三年執權平時宗連署春正三條坊門殿火皇年代記

二月蒙古高麗書來

集成曰七日高麗牒狀常盤井入道大相國以右兵衛



督為教卿進入仙洞○十五日異國事於仙洞評定二十三日依蒙古事被立臨時二十二社奉幣使○三月諸道勘申異國事有仗議右大臣以下參入○興福寺記曰依諸卿評定返牒不被遣之

祐之按蒙古至元三年當龜山院文永三年其歲介高麗國達書於國朝不來而還四年九月高麗又遣潘阜通信事既見前案元史東國通鑑等其書淹滯未達去年九月所發至今年二月間始達者如此未見自外通信書未者且嘗見南都寶藏古寫者如蒙古書尾為至元三年八月日高麗書尾加至元四年

九月則蒙古高麗往來經一年所發二國書到今年二月始奏達乎而皇年代記為四年二月蒙古牒狀未者傳寫蓋誤支干矣又按東國通鑑今年二月高麗安慶公攄還自蒙古賜王西錦一匹曆日一通初帝以趙彞之譖怒不解親勅攄曰前日爾國所奏朕今說之爾其詳聽爾與日本交通爾國人未居此者無不知之爾於前日何言未嘗交通以欺朕乎爾等所奏皆是妄說不必答也

鎌倉以時宗為執權以政村復為連署

集

○善光寺火

年

代

○夏五月地震

集

○六月以皇子世仁為親王

集

○蒙



古遣人閱高麗戰艦

東國通鑑高麗紀曰蒙古遣吾都止偕李蕝用耒閱戰艦軍額初蕝用謁帝帝曰朕命爾國出師助戰云云爾等不知出師將討何國是乃欲討宋與日本耳今朕視爾國猶一家爾國有難朕不救乎朕征不庭之國爾國出師助戰亦宜爾歸語王造戰艦一千艘其大可載米三四千碩者云云帝又曰爾國於宋風順則可兩三日而至日本則朝發夕至○元史世祖紀曰七月高麗王植遣其臣崔東秀耒言備兵一萬造船千隻詔遣都統領脫朶兒往閱之就相視黑山日本道路仍命耽羅別

造船百艘以伺調用○東國通鑑高麗紀曰蒙古遣明威將軍都統領脫朶兒武德將軍統領王國昌武略將軍副統領劉傑耒耒閱軍額戰艦仍視日本水道黑山島又令耽羅別造船百艘王使郎將朴臣甫都兵馬錄事禹天錫從國昌劉傑耒往視黑山島

秋七月高麗告國朝不報于蒙古

東國通鑑高麗紀曰遣閣門使孫世負郎將吳惟碩如蒙古賀節日又遣起居舍人潘阜偕行上書曰向詔臣以宣諭日本臣即差陪臣潘阜奉皇帝璽書并發臣書及國贖往諭其國便不納王都留置西偏太宰府者凡



五月館待甚薄授以詔旨而無報章又贈國贖多方告諭竟不聽逼而送之以故不得要領而還未副聖慮惶懼寶深

八月立世仁親王為皇太子

集

○九月前內大臣藤原朝

臣冬忠薨

補任

○蒙古復令高麗納信於國朝

元史世祖紀曰齎國書使日本仍詔高麗國遣人導送期於必達毋致如前替阻○日本傳曰命黑的弘祐之按黑的的殷弘二人名前復持書往至對馬島日本人拒而不納執其塔二郎弥二郎二人而還祐之按塔二郎弥二郎未知為誰某是乃在東國通

鑑所謂文永六年元史總括而言耳

冬十月一院出家

皇年代記曰後嵯峨上皇於龜山仙洞御出家年四十九法諱素覺

尤大臣藤基平辭開白

補任

○十一月尤大臣藤原朝臣基

平薨

補任曰年二十三

十二月以藤基忠為尤大臣

元右大臣

藤家經為右大臣

元內大臣

藤通雅為內大臣

元權大臣

○高麗遣使與蒙古人來

東國通鑑高麗紀曰十一月蒙古遣兵部侍郎黑的禮



部侍郎殷弘等奉詔日向委卿導達使者送至日本卿  
乃飾辭以為風浪險阻不可輕涉中道乃還其言若是  
今潘阜等何由得達今未奏有潘阜至日本逼而送還  
之語此亦安足取信今復遣使以往期於必達卿當令  
重臣導達毋致如前替阻十二月遣知門下省事申思  
佺侍郎陳子厚起居舍人潘阜偕黑的殷弘如日本○  
元史高麗傳曰九月以植表奏潘阜等奉使無功而還  
復遣黑的等使日本詔植遣重臣導送十二月植遣其  
知門下省事申思佺禮部侍郎陳并起居舍人潘阜等  
從國信使黑的等赴日本

己巳六年

鎌倉將軍四年○執權平時宗連署平政村

春正月奉日吉神輿入京

集成曰日吉神輿

八王子容人十禪寺

并赤山北野等神輿入洛

深雪埋路之間奉乘賀茂東邊退散了梨本音蓮院没引事

三月月華門院崩

増院曰ふいふかくれをたぬはたも女院とかきりうく  
おのいきこえをたぬはたふいとあさかりまふかまこを  
よやあん又人をうまやうてまふあまふもを  
ふちおしきりてのたれ仁乃中於志のいてはりり多しを  
まやあまの中將か乃はまふもて又はりりくまふを







秋九月兩院兩女院大宮東二條幸天王寺集○冬十一月源

通成辭內大臣補任○以藤師忠為內大臣元權大納言補任○十

二月蒙古遣趙良弼來使

元史日本傳曰命秘書監趙良弼往使書曰蓋聞王者無外高麗與朕既為一家王國實為隣境故嘗馳信使修好為疆場之吏抑而弗通所獲二人勅有司慰撫俾發牒以還遂復寂無所聞繼欲通問屬高麗權臣林衍搆亂坐是弗果豈王亦曰此輟不遣使或已遣而中路梗塞皆不可知不然日本素稱知禮之國王之君臣寧肯漫為思之事乎迨已滅林衍復舊王位安集其民特

命少中大夫秘書監趙良弼充國信使持書以往如即發使與之偕未親仁善隣國之美事其或猶豫以至用兵夫誰所樂為也王其審圖之良弼將往乞定與其王相見之儀廷議與其國上下之分未定無禮數可言帝從之

祐之按元史高麗傳曰十一月樞密院臣議高麗事初馬亨以為高麗者本箕子所封之地漢晉皆為郡縣今雖來朝其心難測莫若嚴兵假道以取日本為名乘勢可襲其國定為郡縣亨又言今既有釁端不宜遣兵伐之畧彼有他志回兵誅之亦不晚也



庚午七年錄倉將軍五年○執權平時宗連署平政村

春正月出雲國杵築社火

成集夏四月東寺塔火

集成曰火起無一定之說

五月以平義政為駿河守

通系曰重時子長考時弟孫塩曰

秋八月五條殿火

集成曰高过油小路燒止餘炎及皇居五條殿終以燒

失吉續記曰高过放火事出未餘焰及皇居五條之殿

間行幸腰輿仙洞萬里小路殿

九月朔日食

東寺長者補任

○冬十一月前左大臣藤原朝臣良

實薨

補任曰先出家年五十九

十二月前内大臣源朝臣通成出家

補任

○賜將軍惟康姓

源朝臣乃為左中將

補任

○蒙古遣趙良弼來使

元史日本傳曰詔諭高麗王禎送國信使趙良弼通好

日本期於必達仍以忽林赤王國昌洪茶丘將兵送抵

海上比國信使還姑令金州等處屯駐○高麗傳曰詔

諭禎送使通好日本曰朕惟日本自昔通好中國實相

審邇故嘗詔卿導達、使誦信脩睦為其疆吏所梗竟

不獲明諭朕心後以林衍之亂故不暇及今既輯寧爾

家遣少中大夫秘書監趙良弼充國信使期於必達仍



以忽林赤王國昌洪茶丘將兵送抵海上比國信使還  
姑令金州等處屯駐所需糧餉卿專委官赴彼逐近供  
給并鳩集金州旁九船艦於金州需待無致替緩匱乏  
○東國通鑑高麗記曰王迎詔于郊茶丘見王不拜又  
以中書省牒來索其叔父百壽王拜百壽樞密副使致  
仕將遣之茶丘改為遷延竟不偕去蓋欲激帝怒而危  
國家也趙良弼請與倖臣康允紹偕行不得已從之

祐之按高麗紀文屬八年春正月

辛未八年鎌倉將軍六年○執權平時宗連署平政村春正月以源惟康為尾張權守補○新院幸北山殿

集成曰暫可為御所

以藤師繼為內大臣元權大納言○三月藤通雅辭右大臣

補○以藤師忠為右大臣元權大納言○蒙古議與高麗入寇國

朝

東國通鑑高麗紀曰蒙古遣忻都及史樞等代阿海詔  
曰朕嘗遣信使通諭日本不謂執迷固閉難以善言開  
諭此卿所知今將經畧於彼勅有司癸卒屯田用為進  
取之計庶免爾國他日轉輸之勞仍復遣使持書先示  
招懷卿其悉心盡慮裨贊方畧期於有成以稱朕意  
祐之按元史日本傳曰今年六月日本通事曹介升



等上言高麗迂路導引國使外有捷徑倘得便風半日  
可到若使臣去則不敢同往若大軍進征則願為鄉導  
帝曰如此則當思之

大風

皇年代記

○秋八月朔日食

吉續記

○錄倉制政令

北條日記曰評云自寬元元年至康元元年御成敗事  
右於自今以後者准三代將軍并二位家御成敗不及

改沙汰

祐之案本文已見東鑑

九月錄倉奏高麗書於院

吉續記曰二日關東使隨身高麗牒狀向西園寺大納  
言許亞相參院申入高麗牒狀事於仙洞有評定件牒

狀趣蒙古兵可來責日本文也權此外致敷兵致就狀了見適分

遣某入使蒙古國

元史日本傳曰高麗王禎遣其通事別將徐稱導送良  
弼使日本日本始遣彌四郎者入朝帝宴勞遣之

冬十月錄倉奏蒙古書

吉續記曰蒙古船著岸今津郡

件所自太宰府相隔一二里

捧牒狀

云云依此事東使入洛向西園寺大納言亭亞相參仙  
洞執奏依俄今日可有評定之由帥中納言奉行○異國事  
去夜評議開白殿花山院前右府內府權大納言吉田



中納言帥中納言等參仕今度牒狀朝使直可持參帝都不然其不可放棄之由申之蠻夷者參帝闕事無先例牒狀之趣可承之由少卿問答就之彼朝使書寫牒狀與少卿彼狀自關東進之其趣度度雖有牒狀無返牒此上以來十一月可為期猶為無音者可艤兵船云云可有返牒云云先度長成卿草少引直可遣○集成曰於一院蒙古牒狀事有評定可有返牒之由議定訖○北條日記曰十月蒙古牒狀重到未使趙良弼前前依無返牒今度牒者良弼直可傳大將軍出案文不獻正文十二月良弼渡使者張鐸於本國

祐之嘗閱東福寺所藏古文書有趙良弼書今附于此為參考其詞曰大蒙古國皇帝差未國信使趙良弼欽奉皇帝聖旨奉使日本國請和於九月十九日到太宰府有守護所少貳阻隔不令到京又十餘遍堅執索要國書欲差入持上國王大將軍虜去良弼本欲付與緣皇帝聖訓直至見國王并大將軍時親手分付若與了別人牧受即當斯汝所以不分付守護小貳殿先以將去國書副本並無一字差別如有一字冒書本身萬死於此地不歸鄉國良弼所發御寶書直俟見國王并大將軍親自分付若使人強取



即當自刎於此地伏令照鑒至元八年九月二十五日陝西四州宣撫使小中大夫秘書監國信使趙良弼

申<sup>補</sup>壬<sup>補</sup>九年錄倉將軍七年○執權平時宗連署平政村春正月源惟康叙從二位

○二月錄倉殺尾張入道見西等

北條日記曰十一日尾張入道見西遠江守教時被誅但見西依無其咎討手五人大藏次郎左衛門尉洪谷新左衛門尉四方田瀧口左衛門尉石河神左衛門尉薩摩左衛門三郎等被刎首於教時討手者無賞罰中御門中將實隆朝臣被召禁其外遇殃人多

錄倉殺式部大輔平時輔

集成曰十五日武士馳走京中申刻於六波羅合戰左

近大夫將監義宗北方武藏守長時男與式部大輔時輔南方家明寺禪

男門四合戰是可誅時輔之由關東飛脚到來無程時輔

宅燒亡

一院崩

集成曰十七日太上皇崩于壽量院御年五十三奉號

後差我院 皇年代記曰崩於龜山殿別院藥草院號

後差我院依遺勅也祐之案集成所謂壽量院皇年

山殿別院今亡按夢窗年譜唯壽量院天庵寺法堂所在又今亡



正統記曰後漢家かくれを移してのち見方乃所あらはに  
行ふその七移ふと阿りふ進と又東より母儀大を院また子  
中りふ院の所系この高今又まゝ一處とて所任つらさ  
ふ進と、とまゝなりて移中して政勢せよ努るふ

葬淨金剛院

皇年代記曰十九日葬不依日吉古崩御之後第三日  
可奉送之由被仰置二十日安置御骨於淨金剛院權  
中納言兼太宰權帥經任卿奉懸頸○親長記曰二十  
日奉茶毘拾御骨納銀壺入白絹袋經任奉掛渡御淨  
金剛院

祐之按淨金剛院舊迹不詳二尊院有石塔或云淨  
金剛院元在差峩椎野今移為二尊院塔頭故呼為  
陵或又云今天竜寺方丈西北有古墳曰後差峩院  
陵

大宮院落飾

集成曰二十三日故院初七日御佛事是日大宮院大  
納言二品御落飾御戒師圓滿院

彗星見

門葉記

○朝使入蒙古國

元史日本傳曰樞密院臣言奉使日本趙良弼遣書狀  
官張鐸未言去歲九月與日本國人弥四郎等至太宰



府西守護所守者曩為高麗所紿屢言上國未伐豈期  
皇帝好生惡殺先遣行人下示璽書然王京玄此尚遠  
顧先遣人從奉使回報良弼乃遣鐸同其使二十六人  
至京師求見帝疑其國主使之未云守護所者詐也詔  
翰林承旨和禮霍孫以問姚樞許衡等皆對曰誠如聖  
算彼懼我加兵故彘此輩伺吾強弱耳宜示之寬仁且  
不宜聽其入見從之○東國通鑑高麗紀曰正月趙良弼  
還自日本遣書狀官張鐸率日本使十二人如元

是月高麗上書國朝

元史曰本傳

○高麗世子諶還自蒙古

東國通鑑高麗紀曰世子諶至自元世子久留燕京從

者皆愁思東歸勸世子以東征事請帝而還云云世子  
知之不得已遂告都省以請于帝曰惟日本未蒙聖化  
戰艦兵糧方在所須儻以此事委臣庶幾勉盡心力小  
助王師帝遣斷事官不花郎中馬絳護世子還國中書  
省移文令具舟糧助征國人見世子辮髮胡服皆歎息  
至有泣下者○元史世祖紀曰三月乙丑諭旨中書省  
日本使人速議遣還安童言良弼請移金州戍兵勿使  
日本妄生疑懼臣等以為金州戍兵彼國所知若復移  
戍恐非所宜但聞諭未使此戍乃為耽羅暫設爾等不  
須疑畏也帝稱善○日本傳曰五月又以書往令必通



好大朝皆不報

秋八月朔日食

東寺長者補任

○冬十二月宗尊親王出家

集成曰法名行勝○北條日記曰十一年七月薨年三

十三

癸酉十年

鎌倉將軍八年○執權平時宗連署平政村六月以後義政代政村

春正月諒闇

集

○彗星見

皇年代記

祐之按東寺長者補任門葉記至二月末猶修法則見

者久可知

### 二月供養嵯峨法華堂

集成曰嵯峨殿法華堂供養大宮院御造營御導師天

台座主上皇御幸

三月客星見

皇年代記

○夏四月令群臣上封事

吉續記曰二十三日今夕有封事宣下事一上令參陣

給右宰相中將新宰相等回候仗座頭內藏頭奉行也

大內記在守平詔書隨傳聞記之詔我朝之言聖代者

莫不歌延喜之治稱天曆之事然猶屈明間化焦思於

淳素之風慮心求規側耳於守文之日朕以不敏謬受

洪緒德義踈踈十四年唯任萬機於諮詢信點過晷一

兩月慙親二柄於眇末譬猶涉淵水未知所濟爰彗客

春見示奇合之徵坤儀夏震坤厚德之應是朕政之有



關欣若民心之未兼欣况頃者陰陽失節水旱不時雅  
有帑藏之名無貢賦之實庶官掌之營辱之主兆民併  
為游墮之輩但行帝道則帝行王道則王莫謂澆訛之  
時聚脣議之莫謂疲弊之國勦力救之古不曰乎天時  
不如地利地利不如人和宜令公卿大夫重官外國五  
位以上職居官長秀才明經課試及第名為儒士各上  
封事極諫待共凡舜令之不便於時言而無諱政化之  
有益於國記而莫隱庶得忠謨以匡政術主者施行文  
永十年四月二十三日御畫

五月前左大臣藤基忠辭開白以前右大臣藤忠家為關

白補 ○六條殿火

集成曰長誦堂佐女牛若宮六條殿等燒亡通考六條殿  
或作六條門皇年代記又為十月事

右京權大夫平朝臣政村卒

北條日記曰今月出家法名覺崇卒年六十九○吉續  
記曰關東左京大夫政村去月廿七日死東方遺老可  
惜十三日依關東政村朝臣事為御訪時景左衛門督  
本所有覽  
下向關東

六月鎌倉以駿河守平義政為連署北條遷前院骨于

法華堂



吉續記曰二十一日今日先院御骨遷御法華堂也御殿御簾垂之此事兼日古沙汰委可尋入法華堂內人人可為三十日穢不入門內人人三箇日穢御骨遷御儀帥中納言奉懸御骨於頸前行供奉人公卿花山院前右府直衣上結殿上人宗親朝臣一作親朝朝臣永康一作永茂朝臣仲直朝臣為方下北面行實信友已上續一作布衣上結祐之謂或言藏御骨於金原法華堂誤矣金原法華堂土御門院陵也是乃為嵯峨殿法華堂觀上文可見按舊圖堂在淨金剛院西藥州院北今已

蒙古復遣趙良弼未使不入

元史日本傳曰趙良弼復使日本至太宰府而還世祖紀曰使日本趙良弼至太宰府而還具以日本君臣爵號州郡名數風俗土宜來上○東國通鑑高麗紀曰元復遣趙良弼如日本招諭良弼至太宰府不得入國都而還

秋七月以平義政為武藏守北條○八月前左大臣藤原朝臣實雄薨

補任曰四日出家法名經學同十六日薨

甲戌十一年鎌倉將軍九年平時宗連署平義政春正月天皇禪位皇太子

集戌  
成  
歷代通鑑輯覽



園大曆曰新主二條高倉舊主押小路烏丸禪讓各別  
御所

以關白藤忠家為攝政補任○二月上太上天皇尊號皇年代記

三月太子即位于太政官廳同○蒙古率高麗兵來寇

國朝

元史高麗傳曰遣木速塔八撒木合持詔使高麗僉軍  
五千六百人助征日本○世祖紀曰勅鳳州經畧使忻  
都高麗軍民總管洪茶丘等將屯田軍及女直軍并水  
軍合萬五千人戰船大小合九百艘征日本移碇門兵  
戍合答城○日本傳曰牟鳳州經畧使忻都高麗軍民

總管洪茶丘以千料舟拔都魯輕疾舟汲水小舟各三  
百共九百艘載士卒一萬五千期以七月征日本○東  
國通鑑高麗紀曰三月元遣使來牟癸軍五千助征日  
本時全羅州道造船洪茶丘所領監造軍供給不足輸  
東京晋州道内米與之王患徭役之煩轉輸之弊有妨  
農務遣上將軍李汾禧往說茶丘茶丘頗然之每一船  
留五十人其餘悉放歸農

夏四月高麗遣使如蒙古

宋國通鑑高麗紀曰遣諫議大夫郭汝弼如元上表曰  
向者洪茶丘移書金方慶曰船三百艘梢工水手一萬



五千人宜先備之小邦地偏人稀加以喪亂往者征耽  
羅兵卒蒿師悉赴造船之役今征日本之師將於何出  
小邦北界諸城及西海道連租之民往投東寧府者皆  
操舟請悉刷還以補軍額又自庚午至今五年供軍糧  
餉早曾乏絕今此造船屯田及洪總管軍濟州留守軍  
糧悉令陪臣及百姓供給尚不能繼特蒙聖慈運米二萬  
碩以補之又賜糧價絹匹報謝無階然公私既竭又因  
造船農失其業貨絹峙糧恐不如意

六月攝政藤忠家罷以藤家經為攝政  
補任 ○冬十月與蒙  
右高麗兵戰壹岐對馬

集成曰十七日自九國早馬到未于六波羅是去三日  
蒙古賊人於對馬島合戰十八日依蒙古事於院有議  
定○皇年代記曰廿日太宰府言上賊船百餘艘漂倒  
○集成曰廿八日筑紫飛脚到未壹岐島被討取○十  
一月六日飛脚到未是去月廿日蒙古與武士合戰賊  
船一艘取留之於鹿島留抑之其外皆以追返○元史  
日本傳曰十月入其國敗之而官軍不整又矢盡虜掠  
四境而歸○東國通鑑高麗紀曰十月都督使金方慶  
將中軍和之亮金忻知兵馬事孫世貞為副使上將軍  
金文庇為右軍使羅裕保知兵馬事潘阜為副使



三翼軍與元都元帥忽敦左副元帥洪茶丘右副元帥劉復亨以蒙漢軍二萬五千我軍八千梢工引海水手六千七百戰艦九百餘艘癸合浦越十一日船至一岐島倭兵陣於岸上之亮趙朴逐之倭請降而復戰茶丘與之亮朴擊殺千餘級捨舟三郎浦分道以進所殺過當倭兵突至衝中軍方慶拔一嗚矢厲聲大喝倭辟易而走之亮忻朴李唐公金天掾申奕殊死戰倭兵大敗伏屍如麻忽敦曰雖蒙古人習戰何以加此諸軍終日戰及暮乃解方慶謂忽敦茶丘曰我兵雖少已入敵境人自為戰即孟明焚舟淮陰背水也請復決戰忽敦曰

小敵之堅大敵之擒策瘦兵戰大敵非完計也不若回軍復亨中流矢先登舟故遂引兵還會夜大風雨戰艦觸巖崖多敗旣墮水死

十一月大會

集成曰悠紀近江國甲賀郡主基丹波國氷上郡

十二月前右大臣藤原朝臣公基薨

補任



Fragmentary handwritten text on the left page, including characters such as 一, 二, 三, 四, 五, 六, 七, 八, 九, 十, 十一, 十二, 十三, 十四, 十五, 十六, 十七, 十八, 十九, 二十, 二十一, 二十二, 二十三, 二十四, 二十五, 二十六, 二十七, 二十八, 二十九, 三十, 三十一, 三十二, 三十三, 三十四, 三十五, 三十六, 三十七, 三十八, 三十九, 四十, 四十一, 四十二, 四十三, 四十四, 四十五, 四十六, 四十七, 四十八, 四十九, 五十, 五十一, 五十二, 五十三, 五十四, 五十五, 五十六, 五十七, 五十八, 五十九, 六十, 六十一, 六十二, 六十三, 六十四, 六十五, 六十六, 六十七, 六十八, 六十九, 七十, 七十一, 七十二, 七十三, 七十四, 七十五, 七十六, 七十七, 七十八, 七十九, 八十, 八十一, 八十二, 八十三, 八十四, 八十五, 八十六, 八十七, 八十八, 八十九, 九十, 九十一, 九十二, 九十三, 九十四, 九十五, 九十六, 九十七, 九十八, 九十九, 一百.

Fragmentary handwritten text on the right page, including characters such as 一, 二, 三, 四, 五, 六, 七, 八, 九, 十, 十一, 十二, 十三, 十四, 十五, 十六, 十七, 十八, 十九, 二十, 二十一, 二十二, 二十三, 二十四, 二十五, 二十六, 二十七, 二十八, 二十九, 三十, 三十一, 三十二, 三十三, 三十四, 三十五, 三十六, 三十七, 三十八, 三十九, 四十, 四十一, 四十二, 四十三, 四十四, 四十五, 四十六, 四十七, 四十八, 四十九, 五十, 五十一, 五十二, 五十三, 五十四, 五十五, 五十六, 五十七, 五十八, 五十九, 六十, 六十一, 六十二, 六十三, 六十四, 六十五, 六十六, 六十七, 六十八, 六十九, 七十, 七十一, 七十二, 七十三, 七十四, 七十五, 七十六, 七十七, 七十八, 七十九, 八十, 八十一, 八十二, 八十三, 八十四, 八十五, 八十六, 八十七, 八十八, 八十九, 九十, 九十一, 九十二, 九十三, 九十四, 九十五, 九十六, 九十七, 九十八, 九十九, 一百.

歴  
史  
稿



